

[Leipzig], 15. Juli 1562

Von Joachim Camerarius d. Ä.

Druck: Camerarius, Epistolae S. 474f.

S. D. Reuersus tandem huc post longam et molestam in patria moram reperi interea allatas cùm tuas tum aliorum amicorum litteras. Iam autem de Moibani morte compereram. Est enim fama malorum velox. Isqué casus me magno dolore affecit, non mea tantùm caussa quem ille coluit et magnifecit inprimis, sed reip[ublicae] etiam, cùm virum eum et opt[imum] atque integerrimum et ingenio doctrinaq[ue] praestantem fuisse sciam. Ego his diebus amisi meum generum Io[annem] Homilium opt[imarum] disciplinarum, praecipuè τῶν κυρίως μαθηματικῶν καλουμένων magistrum οὐδενὸς δεύτερον, μᾶλλον δὲ πρώτον τῶν καθ' ἡμᾶς ἀπάντων. De quo me non tam priuatus dolor affligit, quām solicitat nostrae Academiae respectus: etsi ista studia vbique mirificè frigent, cùm sint humanae sapientiae ἀρχή τε καὶ τέλος. Consumtus ille est febre lenta μαρανόμενος καὶ καταδαπανώμενος ὑπὸ τῆς νόσου. Haec sunt scilicet miserae conditionis humanae discrimina, ἡ δὴ ἐντεῦθεν ἀποδημίᾳ κοινὴ ἀπάντων, ἄλλ' ὁ μὲν θᾶττον, ὁ δὲ βράδιον οἴχεται. Mitto tibi legenda quae à me perturbato et festinanter scripta sunt, vt proponerentur consuetudine Academiae nostrae. Nunc aliae curae me angunt, verū de his satis. De quibus significas, eorum me illa potissimum nonnihil ἀσαφής ὑποδήλωσις perturbauit δυσχερειῶν τινῶν ἐπιφερομένων ἔκεινῳ, ὃν ἐπαρκέσαι τι ἡμῖν σπουδὴν μείζω σύγ' ἐποίησας ἥπερ ἐβούλήθημεν ἄλλως τε καὶ μηδὲν σοῦ προκόψαντος. Eo autem solicitude maior est, ὅτι τὰ μεγάλα μεγάλα καὶ πάσχει κακά. Sed haec non sunt ἐπιστολικὰ, καὶ εὖ δήπου ἔσται. Meus filius Ioachimus est iatrorididáskalos solenni renunciatione declaratus Bononiae, quod Christus Reipub[licae] et ipsi feliciter euenire velit. Ei tantum suppeditatum est à me, quanto necessarius vsus indigere visus. ὁ δὲ σπουδαῖος, ὀλιγοδεής. De Gallico motu varij rumores sparsi hīc sunt. Germaniam autem spero pacem hoc saltem anno habituram esse. Quid praeterea scriberem, modò non erat. Vale. Id[ibus] Vlis. 62.